

Ա.ԿՈՒՅՈՎ

ԳԵՂՁՈՒԿԻ ՄՏԱԾՄՈՒՆՔԸ

- Նըստել եմ շըվար
 Ու միտք եմ անում,
 Թե ինչպես մենակ
 Ապրեմ աշխարհում:
- 5 Ոչ ջահիլ կընիկ
 Ունեմ իմ կողքին,
 Ոչ թև ու թիկունք
 Մըտերիմ ընկեր,
 Ոչ մի տաք անկյուն,
- 10 Ոչ արծաթ ոսկի,
 Ոչ սարքած գուլթան,
 Ոչ նըժույզ մի ձի...
 Պակաս օրի հետ
 Միմիայն մի գանձ`
- 15 Քարի նըման ուժ
 Տըվավ ինձ հերըս.
 Բայց, ա՛խ, հենց էն է:
 Օտար դըռներում
 Կերան, մաշեցին
- 20 Դարդ ու ցավերըս...
 Նըստել եմ շըվար
 Ու միտք եմ անում,
 Թե ինչպես մենակ
 Ապրեմ աշխարհում...